

Bosna i Hercegovina
Federacija BiH
Kanton Sarajevo
Skupština Kantona Sarajevo
13. radna sjednica

ZASTUPNIČKA INICIJATIVA

Na osnovu **člana 213.** Poslovnika Skupštine Kantona Sarajevo podnosim inicijativu da **VLADA KS** i resorna ministarstva **izvrše izmjenu prijedloga Privremene odluke o zaštiti izvorišta Sarajevsko polje** po pitanju obuhvata i granica zone sanitarne zaštite, te je usklade sa važećom odlukom iz 1987. godine.

Također podnosim inicijativu Vladi KS da u saradnji sa Vladom Federacije BiH pokrene sve radnje na izmjeni "**Pravilnika o načinu utvrđivanja uslova za određivanje zona sanitarne zaštite i zaštitnih mjera za izvorišta vode za javno vodosnabdijevanje stanovništva**" („Službene novine Federacije Bosne i Hercegovine", broj: 88/12)"

Obrazloženje:

Važeći Pravilnik svojim odredbama u velikoj mjeri **smanjuje** zone sanitarne zaštite. Smanjenje zona samo po sebi predstavlja problem prilikom provođenja mjera zaštite, te stvara ozbiljne pretpostavke za **trajnu uzurpaciju šticeenog područja** i stvaranje osnova za **promjenu namjene** zemljišta u obuhvatu zona sanitarne zaštite. **Stručna Komisija** je imajući u vidu sve okolnosti i potrebe za vodom Kantona Sarajevo, u svom Izvještaju o radu dala smjernice, te ukazala pored ostalih problema **i na problem građenja u vodozaštitnoj zoni**. Uzimajući u obzir metodologiju na osnovu koje se utvrđuju obuhvati granica zona sanitarne zaštite, koji utiče na obuhvat zone, a samim tim i **uticaj** na količinu vode koja se crpi, te povećanim crpljenjem količina vode iz izvorišta shodno zakonima hidraulike povećava se i prostorni obuhvat granica. Poznato Vam je da su potrebe za vodom sve veće u Kantonu Sarajevo, a samim time i crpljenja vode iz podzemnih izvorišta, što bi trebalo da **poveća obuhvat zona sanitarne zaštite**.

Molim Skupštinu Kantona Sarajevo da se izjasni o mojoj inicijativi.

Sarajevo, 25.09.2019.

Igor Stojanović
Zastupnik SDP BiH u SKS